



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

XXXIII. De Iudeis.

urn:nbn:de:hbz:466:1-15653

prædictorum, taliter de hæresi infectos, infamatos aut suspectos incarcerare, captiuare aut detinere debeant & teneantur. Et si tales se prætenderent in sacris ordinibus constitutos, nobisque ac nostris suffraganeis, archidiaconis, vicariis, & eorumdem officiis, ac hæreticæ prauitatis inquisitoribus deputatis, pro nunc autem in nostra provincia postea deputandis, tradant & assignent taliter denuntiatos & suspectos, vt pro extirpatione tam periculo si criminis libere procedant & procedi faciant iuxta canonicas sanctiones. Receptatores quoque, fautores & defensores eorumdem, pœnis, vt præmittitur, volumus subiacere. Et quia tales infecti, infamati & suspecti de erroribus supradictis, vt plurimum per simulatam conuersionem, ad unitatem ecclesiæ redeunt fraudulenter, sacro approbante Concilio ordinamus, vt ultra pœnas talibus post conuersionem ipsorum & errorum abiurationem a iure infictas, per annum, postquam abiurauerint, carceribus mancipentur, nec relaxentur ab eisdem, donec de vera & sincera ipsorum conuersione verisimiliter presumatur. Adiicientes, vt omnes & singuli nostri suffraganei ad extirpationem tanti mali viriliter assurgent, omnia & singula iura contra hæreticos ac de hæresi suspectos & infamatos, contra ipsum receptatores, fautores & defensores, ac potestates sæculares, qui requisiti legitime, neglexerint sua dominia a prauitate hæretica extirpare, promulgata prouide exequantur & obseruent, & a suis subditis faciant iniuiolabiliter obseruari, patrone, vt tenemur, in hoc ipsum officium excitantes.

XXXIII.

De Iudæis.

Non ambigi iuris est, Hebraicam gentem a fidelium crucifixi populo aliquo discretionis extrinsecæ signaculo debere esse separatam. Vnde, sanctæ memoriae Guido titulo sancti Laurentii in Lucina presbyter cardinalis, in hanc nostram prouinciam a sacro sancta apostolica sede legatus, prouide decreuit, statuendo, vt Iudæi in publicum se exhibentes, pileum deferre debeant cornutum: non portantes pœna pecuniaria præcipimus mulcta puniri. Nos autem volentes prædicti legati bonam intentio-

nem,

ANNO CHRISTI 1420. nem, quantum in nobis est, effectui mancipare, omnibus secularibus potestatibus, cuiuscumque conditionis & præminentia existant, quocumque nomine censeantur, siue communitates, siue singulares reipublicæ præsidentes existant, sub excommunicationis sententia præcipimus, & districte iniungimus, vt per se, vel per alios suos familiares, quemcumque Iudæum pileum talem in publico non deferentem pecuniaria poena, iuxta eorum arbitratum taxanda, quacumque conditione, prouocatione vel excusatione friuola non obstante, protinus puniant.

Præcipimus etiam pro meliori huius prouidi statuti executionis effectu, vt prædictæ potestates per se vel per alios possint & debeant Iudæum sic pileum cornutum non portantem aliqua veste, vel alia re, publice & statim in itinere quo visus est, pignorari, vt sic eo citius poenam exoluat antedictam. Et quoniam non tantum masculos Iudaicæ superstitioni inhærentes a Christiano populo conuenit separari, sed etiam eiusdem superstitionis feminas atque virgines a catholicorum gente volumus esse segregatas. Vnde præcipimus sub eisdem poenarum exactionibus, vt mulieres vel virgines dictæ superstitioni insudantes, cum se in publicum exhibent Christianorum nostræ prouinciarum, nolam sonantem in aliqua sui corporis deferant parte: alioquin ipsas per dictas potestates poenis & modis præscriptis in virtute sanctæ obedientiæ mandamus affligi.

XXXIV.

De prohibito & illico uestitu mulierum.

Cum in partem solitudinis & pastoralis officii ad hoc simus assumti , vti gregem dominicum rite gubernemus, & in eo vitia extirpemus, & virtutes inseramus, debemus non solum remouere peccata, sed etiam cuiuslibet mali & peccati speciem & imaginem, ac etiam scandalosum quodlibet & exempli continens perniciem, curabimus, quantum poterimus, prouincia exulare. Vnde (quod dolenter referimus) multorum querelis sumus excitati, ac etiam in parte nostris propriis percipimus oculis, quod in non-

Concil. Tom. 29.

Ttt